



Na osnovu člana 2.12 stav (9) Izbornog zakona Bosne i Hercegovine („Službeni glasnik BiH“ br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 18. Poslovnika Centralne izborne komisije Bosne i Hercegovine ("Službeni glasnik BiH", br. 32/23, Prečišćeni tekst), Centralna izborna komisija Bosne i Hercegovine je na 20. sjednici, održanoj dana 03.05.2024. godine, utvrdila

ODLUKU
o visini naknade za rad članova izborne komisije osnovne izborne jedinice
u Bosni i Hercegovini
(Prečišćeni tekst)

Član 1.
(Stalna mjesečna naknada)

(1) Članovi izborne komisije osnovne izborne jedinice imaju pravo na stalnu mjesečnu naknadu za svoj rad, u visini od 30% isplaćenog paušala odbornika odnosno vijećnika u toj osnovnoj izbornoj jedinici.

(2) Članovi izborne komisije osnovne izborne jedinice koja nema utvrđenu naknadu za rad odbornika odnosno vijećnika u vidu paušala ili ukoliko naknada za rad odbornika odnosno vijećnika nije utvrđena u fiksnom mjesečnom iznosu, nego je vezana za dužnost koju vijećnik odnosno odbornik obavlja u općinskom vijeću, skupštini općine ili gradskom vijeću, skupštini grada odnosno njihovim radnim tijelima, kao i za broj održanih sjednica, imaju pravo na stalnu mjesečnu naknadu za svoj rad u visini od:

- a) 90,00 KM u osnovnim izbornim jedinicama u kojima je u izvodu iz Centralnog biračkog spiska upisano do 5.000 birača,
- b) 150,00 KM u osnovnim izbornim jedinicama u kojima je u izvodu iz Centralnog biračkog spiska upisano do 20.000 birača,
- c) 210,00 KM u osnovnim izbornim jedinicama u kojima je u izvodu iz Centralnog biračkog spiska upisano do 50.000 birača,
- d) 270,00 KM u osnovnim izbornim jedinicama u kojima je u izvodu iz Centralnog biračkog spiska upisano do 100.000 birača i
- e) 350,00 KM u osnovnim izbornim jedinicama u kojima je u izvodu iz Centralnog biračkog spiska upisano preko 100.000 birača.

(3) Članovima izborne komisije iz stava (1) ovog člana, isplaćuje se naknada utvrđena u stavu (2) ovog člana, u utvrđenim iznosima i prema broju upisanih birača za tu osnovnu izbornu jedinicu, ukoliko je to za njih povoljnije.

(4) Predsjedniku izborne komisije može se odrediti veći iznos naknade u odnosu na visinu naknade utvrđene za rad članova izborne komisije.

(5) Nadležni organ utvrđuje visinu naknade za članove izborne komisije za svaku fiskalnu godinu, s obzirom na promjene visine paušala vijećnika/odbornika, broj upisanih birača za tu osnovnu izbornu jedinicu i raspoloživa sredstva općina/gradova.

Član 2. **(Naknada u izbornom periodu)**

(1) Članovi izborne komisije osnovne izborne jedinice u izbornom periodu imaju pravo na mjesečnu naknadu u visini 100 % isplaćenog paušala odbornika odnosno vijećnika u toj osnovnoj izbornoj jedinici.

(2) Članovi izborne komisije osnovne izborne jedinice koja nema utvrđenu naknadu za rad odbornika odnosno vijećnika u vidu paušala ili ukoliko naknada za rad odbornika odnosno vijećnika nije utvrđena u fiksnom mjesečnom iznosu, nego je vezana za dužnost koju vijećnik odnosno odbornik obavlja u općinskom vijeću, skupštini općine ili gradskom vijeću, skupštini grada odnosno njihovim radnim tijelima, kao i za broj održanih sjednica, u izbornom periodu imaju pravo na mjesečnu naknadu za svoj rad u visini od:

- a) 300,00 KM u osnovnim izbornim jedinicama u kojima je u izvodu iz Centralnog biračkog spiska upisano do 5.000 birača,
- b) 500,00 KM u osnovnim izbornim jedinicama u kojima je u izvodu iz Centralnog biračkog spiska upisano do 20.000 birača,
- c) 700,00 KM u osnovnim izbornim jedinicama u kojima je u izvodu iz Centralnog biračkog spiska upisano do 50.000 birača,
- d) 900,00 KM u osnovnim izbornim jedinicama u kojima je u izvodu iz Centralnog biračkog spiska upisano do 100.000 birača i
- e) 1.100,00 KM u osnovnim izbornim jedinicama u kojima je u izvodu iz Centralnog biračkog spiska upisano preko 100.000 birača.

(3) Članovima izborne komisije iz stava (1) ovog člana, isplaćuje se naknada utvrđena u stavu (2) ovog člana, u utvrđenim iznosima i prema broju upisanih birača za tu osnovnu izbornu jedinicu, ukoliko je to za njih povoljnije.

(4) Predsjedniku izborne komisije može se odrediti veći iznos naknade u odnosu na visinu naknade utvrđene za rad članova izborne komisije.

(5) Članovima izborne komisije za izuzetan rad i zalaganje u radu izborne komisije, općinsko vijeće/skupština općine može odrediti novčanu nagradu, ukoliko raspolaže potrebnim finansijskim sredstvima u budžetu za tekuću fiskalnu godinu.

(6) Nadležni organ utvrđuje visinu naknade za članove izborne komisije za svaku fiskalnu godinu, s obzirom na promjene visine paušala vijećnika/odbornika, broj upisanih birača za tu osnovnu izbornu jedinicu i raspoloživa sredstva općina/gradova.

Član 3. **(Sredstva za izvršenje)**

U skladu sa članom 1.2a stav (3) Izbornog zakona Bosne i Hercegovine, sredstva za naknade iz člana 1. i 2. ove Odluke, obezbjeđuju se u budžetu osnovnih izbornih jedinica, a isplata se vrši istovremeno sa isplatom mjesečnih paušala odbornika odnosno vijećnika u toj osnovnoj izbornoj jedinici, a u slučajevima iz člana 1. stav (2) i člana 2. ove Odluke, najkasnije do 15-og u tekućem mjesecu za prethodni mjesec.

Član 3a. **(Upotreba izraza u muškom i ženskom rodu)**

Riječi koje su radi preglednosti u ovoj Odluci, navedene u jednom rodu, bez diskriminacije se odnose i na muški i na ženski rod.

Član 4.
(Propisi obuhvaćeni Odlukom)

Ova Odluka obuhvata Odluku o visini naknade za rad članova izborne komisije osnovne izborne jedinice u Bosni i Hercegovini („Službeni glasnik BiH“ br. 27/22) i Odluku o izmjenama i dopunama Odluke o visini naknade za rad članova izborne komisije osnovne izborne jedinice u Bosni i Hercegovini broj: 05-1-02-2-572-1/24 od 03.05.2024. godine.

Član 5.
(Objava)

Ova Odluka objavit će se u “Službenom glasniku BiH, u “Službenim novinama F BiH”, “Službenom glasniku RS”, “Službenom glasniku Brčko distrikta BiH” i web stranici Centralne izborne komisije BiH www.izbori.ba.

Broj: 05-1-02-2-573-1/24
Sarajevo, 03.05.2024. godine

